

欽定滿洲源流考

卷三  
之六

欽定滿洲源流考卷三

部族 三

百濟 伯一 濟作

漢

後漢書三韓 見另條 凡七十八國伯濟是其一

國焉

三國

三國志馬韓有伯濟國

晉

欽定滿洲源流考

卷三

部族

一

冊府元龜晉簡文帝咸安二年正月百濟遣

使貢方物六月遣使拜百濟王餘句 按百濟

王尉仇台之後故以夫餘為 為鎮東將軍領

樂浪太守孝武帝太元十一年以百濟世子

餘暉為鎮東將軍百濟王義熙十二年以百

濟王映為使持節都督百濟諸軍事鎮東將

軍百濟王

通典晉義熙中以百濟王夫餘腆為使持節

督百濟諸軍事

〔通考〕百濟卽後漢末夫餘見前條王仇台之後

馬韓五十四國百濟是其一也初以百家濟

因號百濟後漸強大兼諸小國晉時句麗旣

畧有遼東百濟亦畧有遼西晉平唐柳城北

自晉以後吞併諸國據有馬韓故地南接新

羅另條北拒高麗千餘里西限大海處小海

之南自晉代受藩爵自置百濟郡

〔太平寰宇記〕百濟西限大海過海至越州處

小海之南南到海卽倭國晉代受藩爵自置

欽定滿洲源流考

卷三

部族

二

百濟郡其人土著地多下濕率皆山居

南北朝

〔宋書〕高麗傳高祖踐阼詔曰使持節督百濟

諸軍事鎮東將軍百濟王映執義海外遠修

貢職惟新告始宜荷國休可鎮東大將軍持

節都督王公如故

〔宋書〕百濟國本與高麗俱在遼東之東千餘

里其後高麗畧有遼東百濟畧有遼西百濟

所治謂之晉平郡晉平縣義熙十二年以百

濟王餘映爲使持節都督百濟諸軍事鎮東將軍百濟王高祖踐阼進號大將軍少帝景平二年映遣長史張威詣闕貢獻元嘉二年太祖詔之曰皇帝問使持節都督百濟諸軍事鎮東將軍百濟王累葉忠順越海效誠慕義旣彰厥懷亦款浮桴驪水獻琛執贄故嗣位方任以藩東服勉勗所莅無墜前蹤今遣兼謁者閭丘恩子兼副謁者丁敬子等宣旨慰勞稱朕意其後每歲遣使奉表獻方物七

年百濟王餘毗復修職貢以映爵號授之二十七年毗上書獻方物私假臺使馮野夫西河太守表求易林占式腰弩太祖並與之毗死子慶代立世祖大明元年遣使求除授詔許之二年慶遣使上表曰臣國累葉偏受殊恩文武良輔世蒙朝爵行冠軍將軍右賢王餘紀等十一人忠勤宜在顯進伏願垂愍並聽賜除仍以行冠軍將軍右賢王餘紀爲冠軍將軍以行征虜將軍左賢王餘昆行征虜

將軍餘暈並爲征虜將軍以行輔國將軍餘  
都餘又並爲輔國將軍以行龍驤將軍沐衿  
餘爵並爲龍驤將軍以行寧朔將軍餘流糜  
貴並爲寧朔將軍以行建武將軍于西餘婁  
並爲建武將軍太宗泰始七年又遣使貢獻  
齊書武帝永明八年百濟王牟大上表曰寧  
朔將軍臣姐瑾等四人振竭忠効攘除國難  
志勇果毅等威名將論功料勤宜在甄顯今  
依例輒假行職伏願恩愍聽除所假寧朔將

欽定滿洲源流考

卷三

部族

四

軍面中王姐瑾歷贊時務武功並列今假行  
冠軍將軍都將軍都漢王建威將軍八中侯  
餘古弱冠輔佐忠効夙著今假行寧朔將軍  
阿錯王建威將軍餘歷忠款有素文武列顯  
今假行龍驤將軍邁盧王廣武將軍餘固忠  
効時務光宣國政今假行建威將軍弗斯侯  
又表曰臣所遣行建威將軍廣陽太守兼長  
史臣高達行建威將軍朝鮮太守兼司馬臣  
楊茂行宣威將軍兼叅軍臣會邁等三人志

行清亮忠款夙著往太始中比使宋朝今任  
臣使冒涉波險宜在進爵謹依例各假行職  
伏願除正達邊効夙著勤勞公務今假行龍  
驤將軍帶方太守茂志行清壹公務不廢今  
假行建威將軍廣陵太守邁舊作萬今據前文改執志  
周密屢致勤効今假行廣武將軍清河太守  
詔可並賜軍號除大爲使持節都督百濟諸  
軍事鎮東大將軍使謁者僕射孫副策命大  
襲其祖父梁書作父牟都爵爲百濟王是歲魏人

欽定滿洲源流考

卷三

部族

五

又發騎數十萬攻百濟入其界牟大遣將沙  
法名贊首流解禮昆木干那率衆襲擊魏軍  
大破之建武二年遣使上表曰去庚午年庚按

午爲齊武帝永明八年

獫狁弗悛舉兵深逼臣遣沙法

名等領軍逆討宵襲霆擊乘奔追斬僵尸丹  
野今邦宇寧謐實名等之畧今假沙法名行  
征虜將軍邁羅王贊首流爲行安國將軍辟  
中王解禮昆爲行武威將軍弗中侯木干那  
前有軍功又拔臺舫爲行廣威將軍面中侯

伏願天恩特愍聽除又表曰臣所遣行龍驤將軍樂浪太守兼長史臣慕遺行建武將軍城陽太守兼司馬臣王茂兼參軍行振武將軍朝鮮太守臣張塞行揚武將軍臣陳明在官忘私蹈難弗顧今任臣使冒涉波險各假行爵伏願特賜除正詔可並賜軍號案此所載百濟

人地名有與滿洲語相近者若牟都當爲穆丹韻也弗斯當爲富森滋生也牟都當爲穆沙切磋之磋也弗中當爲法珠杈也又如敦氏解氏木氏皆百濟大族其名樹杈首流當爲舒嚕珊瑚也干那當爲噶納往取也舒嚕珊瑚雖遙尙有可通者耳

欽定滿洲源流考

卷三

部族

六

梁晝馬韓有五十四國百濟其一後漸强大兼諸小國其國本在遼東之東晉世據有遼西晉平二郡自置百濟郡晉太元中王須義熙中王餘映宋元嘉中王餘毗並遣獻生口餘毗死子慶立慶死子牟都立都死子牟太齊書立齊永明中除太都督百濟諸軍事鎮東大將軍百濟王天監元年進太號征東將軍尋爲高句驪所破衰弱者累年遷居南韓

按弁韓在辰韓之地普通二年王餘隆始復南故史稱爲南韓

遣使奉表稱累破句驪今始得通好而百濟更爲強國其年詔加寧東大將軍五年隆死復以其子明爲綏東將軍百濟王號所治城曰固麻中大通六年大同七年累遣使獻方物并請涅槃等經義毛詩博士并工匠畫師等勅並給之太清三年猶遣使貢獻

〔南史馬韓五十四國百濟其一也後漸強大兼諸小國其國本與句驪俱在遼東之東千餘里晉世據有遼西晉平二郡地自置百濟

郡晉義熙十二年以餘映爲王宋元嘉七年百濟王餘毗復修貢職以映爵號授之毗死子慶代立慶死立子牟都牟都死立子牟大齊永明中除大都督百濟諸軍事鎮東大將軍百濟王梁天監中爲高麗所破衰弱累年遷居南韓地普通二年王餘隆始復遣使奉表稱累破高麗今始與通好五年隆死復以其子明爲持節督百濟諸軍事綏東將軍百濟王其人形長太清三年遣使貢獻及至見

城闕荒毀並號慟涕泣侯景怒囚執之景平乃得還國

冊府元龜宋高祖永初元年餘映進號鎮東大將軍文帝元嘉七年十七年二十年二十年並遣使獻方物孝武大明元年七年並遣使朝貢順帝昇明二年王牟都遣使貢獻詔授使持節都督百濟軍事鎮東大將軍齊武帝永明八年遣謁者僕射孫副策命牟太爲百濟王曰於戲惟爾世襲忠勤誠著遐表

欽定滿洲源流考

卷三

部族

八

海路肅澄要貢無替式循彝典用纂顯命敬膺休業可不慎歟梁普通二年詔加餘隆寧東大將軍詔曰守藩海外遠修貢職乃誠欵到朕有嘉焉宜率舊章服茲榮命三年遣使獻方物五年以餘隆子明爲綏東將軍百濟王陳文帝天嘉三年以百濟王餘明爲撫東大將軍臨海王光大元年宣帝太建九年後主至德二年四年並遣使入朝  
魏書百濟國其先出自夫餘其民土著地多

下濕率皆山居延興二年其王餘慶始遣使  
上表曰臣建國東極豺狼隔路雖世承靈化  
莫由奉藩瞻望雲闕馳情罔極涼風微應伏  
惟陛下協和天休不勝係仰之情謹遣私署  
冠軍將軍駙馬都尉弗斯侯長史餘禮龍驤  
將軍帶方太守司馬張茂等投舫波阻搜徑  
元津託命自然之運遣進萬一之誠冀神祇  
垂感皇靈洪覆克達天庭宣暢臣志雖旦聞  
夕沒永無餘恨又云臣與高句麗源出夫餘

欽定滿洲源流考

卷三

部族

九

先世之時篤崇舊款其祖釗輕廢隣好親率  
士衆陵踐臣境臣祖須整旅電邁應機馳擊  
矢石暫交梟斬釗首自爾以來莫敢南顧自  
馮氏數終餘燼奔竄醜類漸盛遂見陵逼搆  
怨連禍三十餘載財殫力竭轉自孱蹶若天  
慈曲矜遠及無外速遣一將來救臣國又云  
今漣有罪國自魚肉大臣強族殺戮無已是  
滅亡之期假手之秋也且馮族士馬有鳥畜  
之戀樂浪諸郡懷首丘之心天威一舉有征

無戰臣雖不敏志效畢力當率所統承風響  
應且高麗不義逆詐非一外慕隗囂藩卑之  
辭內懷兇禍豕突之行或南通劉氏或北約  
蠕蠕共相唇齒謀陵王畧今若不取將貽後  
悔去庚辰年後臣西界小石山北國海中見  
屍十餘并得衣器鞍勒視之非高麗之物後  
聞乃是王人來降臣國長蛇隔路以沈於海  
雖未委當深懷憤恚陛下合氣天地勢傾山  
海豈令小豎跨塞天遠今上所得鞍一以爲

實驗顯祖以其僻遠冒險朝獻禮遇優厚遣  
使者邵安與其使俱還詔曰卿處五服之外  
不遠山海歸誠魏闕欣嘉至意用戢於懷卿  
與高麗不睦屢致陵犯苟能順義守之以仁  
亦何憂於寇讎也前所遣使浮海以撫荒外  
之國積年不返達否未能審悉卿所送鞍比  
校舊乘非中國之物不可以疑似之事以生  
必然之過經畧權要已具別旨又詔曰知高  
麗阻強侵軼卿土修先君之舊怨棄息民之

大德兵交累代難結荒邊使兼申胥之誠國有楚越之急乃應展義扶微乘機電舉但以高麗稱藩先朝供職日久於彼雖有自昔之釁於國未有犯令之愆卿使命始通便求致伐討尋事會理亦未周故往年遣禮等至平壤欲驗其由狀然高麗奏請頻煩辭理俱詣行人不能抑其請司法無以成其責故聽其所啟詔禮等還若今復違旨則過咎益露後雖自陳無所逃罪然後興師討之於義爲得所獻錦布海物雖不悉達明卿至心今賜雜物如別又詔璉護送安等安等至高句麗璉稱昔與餘慶有讐不令東過安等於是皆還乃下詔切責之五年使安等從東萊浮海賜餘慶璽書褒其誠節安等至海濱過風飄蕩竟不達而還

〔魏書〕高麗傳高麗王釗烈帝時與慕容氏相

攻建國四年慕容元眞伐之釗單騎奔竄後

爲百濟所殺

按烈帝爲三道武帝之伯祖隋書以昭烈帝三字武帝連爲高麗王

名殊 涉羅國爲百濟所并

〔魏書〕勿吉傳勿吉先破高句麗十落密共百

濟謀從水道并力取高句麗勿吉國另

〔太平寰宇記〕百濟國後魏孝文帝遣衆征破

之後其王牟大爲高句麗所破遷居南韓舊

地

後周書百濟者馬韓之屬國夫餘之別種有

仇台者始國於帶方其地界東極新羅北接

高句麗西南俱限大海王姓夫餘氏自晉宋

欽定滿洲源流考

卷三

部族

十二

齊梁據江左後魏宅中原並遣使稱藩兼受  
封拜齊氏擅東夏其王隆亦通使焉隆子昌  
建德六年遣使獻方物宣政元年又遣使來  
獻

〔北史〕百濟夫餘王東明之後詳見前條有仇台

者篤於仁信始立國於帶方故地漢遼東太

守公孫度以女妻之遂爲強國初以百家濟

因號百濟王姓餘氏按後周書作夫餘氏其

都曰居拔城亦曰固麻城其外更有五方方

有十郡其人兼有新羅高麗倭等亦有中國  
人有僧尼多寺塔而無道士有鼓角筚篥  
竽箎笛之樂行宋元嘉厯以建寅月爲歲首  
國中大姓有八族原脫八字今沙氏燕氏芑

通考音狹

氏解氏眞

隋書俱作貞唐

氏國氏木氏

苗

新唐書作苗通考注音白

氏齊武平元年齊後主

以餘昌爲使持節侍中車騎大將軍帶方郡  
公百濟王如故二年又以餘昌爲持節都督  
東青州諸軍事東青州刺史周建德六年齊

欽定滿洲源流考

卷三

部族

十三

滅餘昌始遣使通周宣政元年又遣使來獻  
隋

隋書百濟夫餘王東明之後開皇初其王餘  
昌遣使貢方物拜昌爲上開府帶方郡公百  
濟王平陳之歲有一戰船漂至海東舳舻羅  
國其船得還經於百濟昌資送之甚厚并遣  
使奉表賀平陳高祖善之下詔曰百濟往復  
至難若逢風浪便致傷損百濟王心迹淳至  
朕已委知相去雖遠事同言面何必數遣使

來自今以後不須年別入貢朕亦不遣使往  
王宜知之開皇十八年北史作昌使其長史  
王辯那來獻方物屬興遼東之役遣使請爲  
軍導帝下詔曰往歲爲高麗不供職貢無人  
臣禮故命將討之高元君臣畏服歸罪朕已  
赦之不可致伐厚其使而遣之高麗頗知其  
事以兵侵掠其境昌死子餘宣立餘宣死子  
餘璋立大業三年璋遣使者燕文進朝貢其  
年又遣使王孝隣入獻請討高麗煬帝許之

欽定滿洲源流考

卷三

部族

十四

令覘高麗動靜然璋內與高麗通和七年帝  
親征高麗璋使其臣國智牟來請軍期帝大  
悅厚加賞錫遣尙書起部郎席律詣百濟與  
相知明年六軍度遼璋亦嚴兵於境聲言助  
軍尋與新羅有隙每相戰爭十年復遣使朝  
貢後天下亂使命遂絕其南海行三月有舳  
牟羅國南北千餘里東西數百里附庸於百

濟

唐

舊唐書百濟地在京師東六千二百里東北至新羅西渡海至越州南渡海至倭國北渡海至高麗其王所居有東西兩城又外置六帶方管十郡其用法叛逆者死籍沒其家殺人者以奴婢三贖罪官人受財及盜三倍追贓仍終身禁錮武德四年其王夫餘璋遣使獻果下馬七年又遣大臣奉表朝貢高祖遣使冊爲帶方郡王百濟王自是歲遣朝貢高祖撫勞甚厚因訟高麗閉其道路不許來通

欽定滿洲源流考

卷三

部族

十五

中國詔遣朱子奢往和之又與新羅世爲讐敵數相侵伐貞觀元年賜璽書曰王世爲君長撫有東蕃海隅遐曠風濤艱阻忠欵之至職貢相尋尙想徽猷甚以嘉慰新羅王金眞平王之隣國每聞遣師征討不息阻兵安忍殊乖所望朕已對王姪福信及高麗新羅使人具勅通和咸許輯睦王必須忘彼前怨識朕本懷共篤隣情卽停兵革璋因遣使陳謝實相仇如故十一年遣使獻鐵甲雕斧賜綵

帛三千段并錦袍等十五年璋卒其子義慈告哀太宗素服哭之贈光祿大夫賻物二百段遣使冊義慈爲柱國帶方郡王百濟王十六年義慈興兵伐新羅取四十餘城發兵以守之與高麗通好謀取党項新唐書作党項誤城以絕新羅入朝之路新羅遣使告急請救太宗遣司農丞相里元獎齎書告諭及太宗親征高麗百濟乘虛襲破新羅十城新書作七城二十二年又破其十餘城數年之中朝貢遂絕高

欽定滿洲源流考

卷三

部族

十六

宗永徽二年始又遣使朝貢使還降璽書於義慈曰海東三國開基自久地實犬牙近代已來遂構嫌隙戰爭交起朕代天理物載深矜憫去歲新羅使金法敏奏書乞詔百濟令歸所侵之城若不奉詔卽自興兵打取但得故地卽請交和朕以其言旣順不可不許王所兼新羅之城並宜還其本國王若不從朕已依法敏所請任其決戰亦令約束高麗不許救恤高麗若不從命卽令契丹諸蕃渡遼

澤入抄掠王可深思朕言自求多福六年新羅王金春秋又表稱百濟與高麗靺鞨侵其北界已没三十餘城顯慶五年命左衛大將軍蘇定方統兵討之大破其國擄義慈及太子隆小王孝演等五十八人送京師命右衛郎將王文度爲熊津都督總兵以鎮之義慈事親以孝行聞友于兄弟時人號海東曾閔及至京數日而卒贈金紫光祿大夫衛尉卿文度濟海而卒百濟僧道琛舊將福信

按新唐書

欽定滿洲源流考

卷三

部族

十七

福信爲夫餘璋之從子

率衆據周留城遣使往倭國迎

故王子夫餘豐立爲王其西部北部並翻城應之時郎將劉仁願留鎮於百濟府城道琛等引兵圍之帶方州刺史劉仁軌代文度統衆便道發新羅兵以救仁願轉鬪而前所向皆下道琛於熊津江口立兩柵以拒官軍仁軌與新羅兵四面夾擊之退走入柵阻水橋狹墮水及戰死萬餘人道琛等乃釋仁願之

□退保任存城

按新唐書作任孝城

新羅兵以糧盡引

還時龍朔元年三月也於是道琛自稱領軍將軍福信自稱霜岑將軍使告仁軌曰聞唐與新羅約誓百濟無問老少一切殺之然後以國付新羅與其受死豈若戰亡所以聚結自守耳仁軌作書具陳禍福遣使諭之道琛置仁軌之使於外館傳語謂曰使人官職小我一國大將不合自參不答書遣之尋而福信殺道琛并其衆夫餘豐但主祭而已二年七月仁願仁軌率留鎮之兵大破福信餘衆

欽定滿洲源流考

卷三

部族

十八

於熊津之東福信等以真峴城臨江高險又當衝要加兵守之仁軌引新羅兵乘夜薄城四面攀堞而上比明而八據其城遂通新羅運糧之路仁願奏請益兵詔發淄青萊海之兵七千人遣左新唐書威衛將軍孫仁師統

衆浮海赴熊津以益之時福信既專其兵權與夫餘豐漸相猜貳稱疾卧於窟室將俟夫餘豐問疾謀襲殺之夫餘豐覺而率其親信掩殺福信又遣使往高麗及倭國請兵以拒

官軍孫仁師中路迎擊破之遂與仁願之衆相合兵士大振於是仁師仁願及新羅王金法敏帥陸軍進劉仁軌及別帥杜爽夫餘隆率水軍及糧船自熊津江往白江以會陸軍同趨周留城仁軌遇夫餘豐之衆於白江之口四戰皆捷焚其舟四百艘豐脫身而走王子夫餘忠勝忠志等率士女及倭衆並降百濟諸城皆復歸仁師等振旅還詔劉仁軌代仁願率兵鎮守乃授夫餘隆熊津都督遣還

本國共新羅和親以招輯餘衆麟德二年八月隆到熊津城與新羅王金法敏刑白馬而盟先祀神祇及川谷之神而後歃血藏其盟書於新羅之廟仁願仁軌等既還隆懼新羅尋歸京師儀鳳二年拜光祿大夫太常員外卿兼熊津都督帶方郡王令歸本蕃安輯餘衆時百濟本地荒毀漸爲新羅所據隆竟不敢還舊國而卒其孫敬則天朝襲封帶方郡王授衛尉卿其地自此爲新羅及渤海靺鞨

所分百濟遂絕

按周留既破夫走不豐知所而在

至後唐清泰三年百濟國復遣使來蓋世祀裔共保海濱仍稱百濟雖故地已失而

絕未嘗也

〔新唐書〕顯慶五年詔蘇定方爲神丘道行軍

大總管率左衛將軍劉伯英右武衛將軍馮

士貴左驍衛將軍龐孝泰發新羅兵伐百濟

自城山濟海百濟守熊津口定方擊敗之乘

潮以進趨眞都城復破之拔其城義慈挾太

子隆走北鄙定方圍之次子泰自立爲王率

欽定滿洲源流考

卷三

部族

二十

衆固守義慈孫文思曰王太子固在叔乃自

王若唐兵解去如我父子何與左右縋而出

民皆從之泰不能止定方令士超堞立幟泰

開門降定方執義慈隆等送京師平其國析

置態津馬韓東明金漣

按地理志作遠太

安五都督府

按地理志云又置帶

擢渠長治

之命劉仁願守百濟城義慈尋卒授隆司稼

卿

〔唐會要〕百濟本夫餘之別種當馬韓之故地

其後有仇台者爲高麗所破以百家濟因號百濟東北至新羅

冊府元龜唐武德七年封百濟王夫餘璋爲帶方郡王七年九月遣使獻光明甲貞觀十一年璋遣太子隆來朝並獻鐵甲雕斧十三年獻金甲雕斧十五年詔曰故柱國帶方郡王百濟王夫餘璋棧山航海遠稟正朔獻琛奉費克固始終宜加常數式表哀榮可贈光祿大夫令其嫡子義慈嗣位使祠部郎中鄭

欽定滿洲源流考

卷三

部族

二十一

文表備禮冊命十九年正月百濟太子夫餘康信貢方物百濟自武德四年至永徽三年朝貢不絕顯慶五年蘇定方旣濟熊津口乘山而陣與之大戰揚帆蓋海相續而至敵兵大潰官軍連舳入江水陸並進直趨眞都去城二十餘里復傾國來拒大戰破之追奔入郭義慈及太子隆走北境其大將禰植將義慈來降及諸城主亦俱送款龍朔三年百濟西部人黑齒常之來降常之長七尺餘驍勇

有謀畧

方按唐書列傳常之糾合百濟達依蘇存

高山自遣使招諭乃詣不克常之遂復左領軍餘城

軍

〔通考〕百濟王夫餘映子餘毗餘毗子慶慶子

牟都牟都子牟大每王立必遣使詣江南請

命俱授以鎮東大將軍都督百濟諸軍事亦

遣使稱藩奉貢於魏尋爲高麗所破衰弱累

年梁時王餘隆累破高麗隆卒子明嗣北齊

時亦通使焉齊亡遣使通周隋時其王餘昌

欽定滿洲源流考

卷三

部族

二十二

立餘昌卒子餘璋立隋亂貢使遂絕唐武德  
四年璋始通使自是數朝貢且訟高麗梗道  
貞觀初詔使平其怨璋卒子義慈立義慈事  
親孝與兄弟友時號海東曾子明年與高麗  
連和取新羅四十餘城聞帝討高麗又取新  
羅七城久之又奪十餘城因不朝貢永徽六  
年復與高麗取新羅三十餘城顯慶五年蘇  
定方平其國璋從子福信等立故王子夫餘  
豐龍朔二年劉仁願等復破之豐走不知所

在帝以夫餘隆爲熊津都督俾歸國平新羅  
故憾招還遺人麟德二年與新羅王會熊津  
城刑白馬以盟辭曰往百濟先王侵削新羅  
破邑屠城天子憐百姓無辜命行人修好先  
王負險恃遐皇赫斯怒是伐是夷立前太子  
隆爲熊津都督守其祭祀附仗新羅長爲與  
國結好除怨永爲藩服右威衛將軍魯城縣  
公仁願親臨厥盟有貳其德明神監之乃作  
金書鐵券藏新羅廟中仁願等還隆畏衆携

欽定滿洲源流考

卷三

部族二十三

散亦歸京師儀鳳時進帶方郡王遣歸藩是  
時新羅強隆不敢入舊國寄治高麗卒武后  
又以其孫敬襲王而其地已爲新羅渤海靺  
鞨所分百濟遂絕

太平寰宇記百濟舊有五部分統三十七郡  
二百城七十六萬戶顯慶五年以其地分置  
熊津馬韓東明金蓮德安五都督府至麟德  
三年其舊地沒於新羅城傍餘衆後漸寡弱  
散投突厥及靺鞨其王夫餘崇

新舊唐書  
俱作隆

竟

不敢歸舊國土地盡入於新羅靺鞨

五代

〔五代史〕後唐清泰三年正月百濟國遣使貢

方物冊府元龜同

宋

〔通考〕高麗以百濟為金州金馬郡號南京此按

乃百濟東南邊境其全部始屬新羅後歸渤海及契丹非高麗所能有也

元

〔元史〕世祖至元四年正月百濟遣其臣梁浩

欽定滿洲源流考

卷三

部族二十四

來朝賜以錦繡有差

謹按百濟自後漢時已見史傳歷晉迄唐使

命歲通王本夫餘王仇台之後以夫餘為氏

舊國屬馬韓晉代以後盡得馬韓故地兼有

遼西晉平二郡自置百濟郡宋書言所治謂

之晉平郡晉平縣都城號居拔城則百濟郡

即晉平而居拔城即晉平城也馬端臨謂晉

平在唐柳城北平之間實今錦州寧遠廣寧

之境一統志謂居拔城在今朝鮮境內者殆

梁天監時遷居南韓之城歟普通以後累破高麗斬其王釗更爲強國號所治城曰固麻北史謂居拔城卽固麻城以滿洲語考之固麻爲格們之轉音唐書云王居有東西兩城則居拔卽滿洲語之卓巴兩城皆王都故均以格們稱之其曰建居拔者建字乃漢文通考連三字爲城名誤也通考又云南接新羅唐會要云東北至新羅考百濟之境西北自今廣寧錦義南跨海蓋東南極朝鮮之黃海

欽定滿洲源流考

卷三

部族

二十五

忠清全羅諸道東西狹而南北長故自柳城北平計之則新羅在其東南而自慶尙熊津計之則新羅在其東北又魏時與勿吉謀併力取高麗則東北亦隣勿吉矣唐初復取新羅六七十城其界益廣蘇定方浮海濟師故自熊津北趨其國熊津卽漢江在朝鮮國城南十里則今朝鮮國城亦百濟之南界也其後夫餘隆畏新羅不敢歸國故地爲新羅渤海靺鞨所分夫餘豐脫身而走不知所往而

後唐時有百濟遣使入貢之文至元初猶通朝使是其支庶保守海隅仍用舊號國祚猶存唐書云百濟遂絕者非也又北史云國有五方方管十郡舊唐書云六方各管十郡則爲郡且五六十而定方所得僅三十七郡未得者尙五分之二此必餘衆所保第爲渤海契丹所隔故不復相聞耳若其聲明文物之盛與新羅埒史言俗重騎射兼愛墳史信矣其國內衆建侯王以酬勲懿自宋齊時已然

欽定滿洲源流考

卷三

部族  
二十六

則又地廣民稠之驗也